

四川巡撫方僉都御史朱燾元遣羅萬象復江安

辛亥策貢士賜文震孟等及第出身有差

甲寅御史陳保泰劾登撫陶朗先并募兵何棟如

給事中侯震暘疏論輔臣未及朱國祚典試特由中旨宜謝事國祚遂請告

庚申設科攻陸涼州殺補鮓

以孫承宗為兵部尚書兼東閣大學士

四月丙寅朔給事中朱童蒙糾張鶴鳴何棟如

川兵復新都初奢賊據新都繕城積粟為守計因陷安岳攻保寧人心大震安綿副使劉芬譙湖廣監軍楊述程合兵攻

之兵至牛頭鎮賊騎數千步萬人來援秦良玉譚大孝等夾擊敗之遂復新都賊退蘭州復遵義府時湄潭叛民王倫引賊焚掠湄潭為川貴險要都司陳一龍追至水西境降之諸軍進駐遵義惟重慶尚為賊巢

戊辰雲南巡撫閔洪學上言黔者滇之門戶黔有梗則入滇無塗為今日計惟有互通粵西一路自廣西田川達滇之廣南瀕于其地添設公館措置廩餼上從之

己巳德勝門玄帝廟枯槐自焚

光祿寺少卿高攀龍上言釋羣疑銷隱禍乞將鄭養性一家發回原籍李如楨崔文昇速正典刑

登萊巡撫陶朗先免

辛未姚思仁為工部尚書袁可立為右僉都御史巡撫登萊
余茂衡為右僉都御史協理戎政李邦華右僉都御史巡撫
天津

己卯禮部尚書孫慎行上言綱常大分宜明弒逆顯形難掩
李可灼進紅丸乃方從哲所進春秋許世子進藥于父父卒
書許世子弒君然則從哲宜何處焉速劍自裁義之上也闔
門席藁義之次也乃宴然支辨可灼僅票回籍豈以已實薦
之怨與同罪乎臣以為縱無弒心却有其實錄中即故為
君父隱諱必直書方從哲進紅丸瀕死帝崩怨無能為萬世

解矣乞皇上令廷臣公議置之極刑上令廷臣會議以聞
庚辰熊廷弼王化貞獄上論死

辛巳董應舉為大僕寺卿兼御史也田天津至山海關安插
遼民

癸未左都御史鄒元標上言乾坤所以不毀者惟綱常而綱
常所以植立者惟信史先帝一月仁赦媿美堯舜宜速登信
史乃纂脩諸臣謂先宗大事令人閣筆近讀孫慎行疏神骨
為悚既不申討賊之義反行賞奸之典即謂方從哲無其心
無能以解人之疑也

丙戌邳州桃源沭陽大雨雹

己丑京師大雨雹

琉球世子尚豐遣毛鳳儀蔡堅入貢請封告登極大婚設貢使私請責歸巡撫高周祚以遠人不諳大體姑置之
辛卯設科改霑益

五月丙申朔丁酉給事中章允儒言頃見織造大監李實參知府張宗衛等皇上因而罰治之此端一開後將何極乎

癸卯刑部尚書王紀糾沈濶御史潘雲翼復劾之

戊午復給事中魏應嘉御史馮三元張脩德官

山東巡撫趙彥報妖賊徐鴻儒倡亂鴻儒鉅野人以白蓮教惑衆與深州王好賢景州于弘志通密約八月望日三方同

起而鴻儒以他事先發在下家屯刑牲誓衆寄家梁山泊據梁家樓爲巢攻鄆城知縣余子翼遁遂據之曾漢騷動

諸軍進逼崇慶初崇明父子據瀘泖依樊龍爲援龍踞重慶已九閱月其城三面臨江春水泛漲瀰漫不可渡其出入必經之要道惟佛圖關至二郎關一路賊自通遠門至二郎關連營十有七宿精兵數萬總兵杜文煥率叅將楊克順直攻賊營秦民屏率石砭兵逃出其後賊驚敗遂復佛圖二郎關殺賊三十餘人進逼重慶

壬戌四川巡撫朱燮元復建武長寧擒偽相何若海別將及酉陽石砭之兵殺樊龍張彤遂復重慶

六月乙丑朔丙寅子文學博士方孝儒荼葬

丁卯鍾羽正為左僉都御史

四川巡按御史張論言藺賊奢崇明糾水西賊攻破長寧珙
縣犯叙州

庚午妖賊破鄒縣署印通判鄭一傑遁進攻滕縣知縣姚之
胤遁時枵餉俱盡至是無餉可給魯王捐貲保城上賜璽書
褒之山東都指揮使廖棟破武安賊巢斬三千餘級賊奔梁
家樓都指揮使楊國盛斬賊千級官軍復追之又斬二千餘
級遂復鄆城鉅野

乙亥貴州宣慰同知安邦彥叛邦彥安堯臣別支也堯臣冒

隴姓并隴地受撫得襲兄疆臣世職堯臣死妻奢社輝子安
位幼邦彥扶之反興土目安邦俊魯連安若山陳其愚陳萬
典等俱叛都司楊明廷以三千人敗沒于畢節叅將尹啓易
自烏撒奔回雷益炎方松林皆不守平夷衛亦為賊黨李賢
所破賊圍普安安南雲南都司李天常帥兵四千救之賊將
羅應奎偽降誘至疊水鋪伏發全軍皆沒于是曲靖武定尋
甸嵩明之間騷然苦兵矣賊分遣王倫石勝破甕安襲偏沅
以斷我軍倫等揚應龍餘孽也洪邊土目宋萬化糾苗仲九
股據龍里邦彥自統蜀賊苗仲數萬進圍貴州自二月初九
薄城百計攻城撫臣李檉按臣史永安悉力禦之賊四面伏

路以斷出入蓋掘墳墓殺掠甚慘總兵張彥芳將兵二萬赴
援隔龍里不得進

辛巳安邦彥破馬撒衛指揮管良相死之初水西未叛良相
語李標曰奢賊反安必繼之黔中無兵餉猝然有變計將安
宜招兵萬人積二年穀用許成名將之以觀其變標以力不
能止良相以祖母病乞假去泣曰烏撒孤城且與安效良相
仇水西有難禍必首及良相願以死報國乞將長策保此一
方標亦泣去甫一月而難起烏撒首被賊破良相自縊死王
三善進兵平越兵止萬人副總兵徐時逢叅將范仲仁不相
能仲仁先進遇賊于瓮城河戰不利時逢不救敗績馬一龍

白自強鐵焉

戊寅吏部奏邱錄馮應京吳寶秀李沂曹學程盧洪春王正
志華鈺王之翰吳應鴻俱贈少鄉為一等次則顧憲成張棟
李猷可蓋化鯉傳好禮雖于仁王教涂本范儻何選楊文煥
王之棟葉初春錢一本賈名儒楊其休舒弘緒吳之臣陳尚
象安希范張貞觀王如堅沈璟吳弘濟顧文選于孔兼楊天
民陳嘉訓通中立張同德時偕行鹿久徵劉仕瞻鄒邦彥耿
隨龍馬經綸宋燾黎道照林培戴士衡錢養廉穆深劉道亨
陳泰來王紹先寧時鏞陳繼春費必興萬國欽劉文鄉彭應
參來長春王學曾朱維京喬胤王士騏吳文梓馮生虞劉弘

寶劉為揖諸壽賢柴恪俱贈少卿

己卯給事中沈惟炳劾沈滄張鶴鳴滄引疾求去不許

己丑刑部尚書王紀初糾屬官徐大化曠職九月不入公署

引蔡京為言蓋刺大學士沈滄也至是遂上言宋奸臣蔡京

天資凶譎興國文館獄立奸黨碑遺禍宗社茲輔臣沈滄公

論不齒以宵人擁戴而玷揆席內結與援外連僉士招權納

賄非一日矣試取惡世揚周朝瑞魏大中董羽宸之疏細按

其事其結交魏進忠與京之契合童貫同也乞哀董羽宸與

京懇款陳瑾同也要盟即輔忠孫杰與京之固結吳慶厚同

也顧命元臣劉一燝周嘉謀之罷逐視安置呂大防蘇轍何

異特正言官江秉謙侯震揚之擯斥視貶謫常安民任伯雨

何異尤可訝者賄交婦寺竊弄威福中旨頻傳而上不悟朝

柄陰握而下不知此又蔡京百世合符者也

選庶吉士倪元璐黃道周等三十六人

壬辰李可灼崔文昇戊南京

四川巡撫朱燮元復瀘州

七月乙未朔戊戌我政尚書黃克纘罷進太子大保

辛丑冊慧妃范氏

甲辰刑部尚書王紀削籍以久稽終卜年案也初張鶴鳴行

邊奏杜茂終卜年謀叛事卜年任河間知縣茂匿其署中三

月合謀遣茂同其二僕往李永芳約叛事下刑部尚書王純
問當何如主事顧大章曰兩人同謀三月情既親信論其理
當見妻子豈二僕尚不能舉其名乎且往從數千里而不問
僕姓名今嚴訊不認大可異也紀然之杜茂原登撫陶朗先
千總給千金使募兵茂浪貴不敢歸報乃匿薊州寺中被邏
者獲之証以奸細其入陶幕或卜年薦之也後卜年論茂
丁未山東巡撫趙彥奏留秋班戍軍勦賊不省招募之費徒
之給事中李春燁劾其養賊貽患
戊申妖賊據夏鎮掠糧船阻運總河陳道亨告急把總姚文
慶集鄉勇敗之運道復通

妖賊攻曲阜知縣孔聞禮率民兵力禦賊去之都指揮使楊
國盛遇賊敗績游擊張筠歿之賊僭稱大秉興勝元年
景州妖賊屯阜城武邑焚掠四十餘里官兵誅之

艾山賊劉永明僭稱安民王聚黨二萬餘人官兵破之獲永
明臨刑猶稱寡人云

妖賊攻兗州總兵楊肇基擊賊殺十餘人賊回滕縣
庚戌設科改亦佐知縣封存章賊未至先遁

辛亥南京御史王允戌疏劾陶朗先之罪

禮部尚書孫慎行罷

沈淮免進少保于廢賜鞞馳驛歸兵部尚書張鶴鳴免

貴州總兵楊愈茂白旂營推官郭象儀敗績于江門歿之遵
義復陷

八月甲子朔丙子孫瑋為刑部尚書

己卯大學士孫承宗自請督師經略遼東軍務進太子太保
賜蟒王金幣

壬午顧秉謙為禮部尚書王在晉南京兵部尚書閻鳴泰為
右僉都御史巡撫遼東

丙戌封皇弟信王由檢

己丑設科犯越州衛

壬辰董漢儒為兵部尚書陳薦為南京吏部尚書

九月甲午朔丁酉兵科都給事中朱童蒙言憲臣議開講學之
壇國家恐啓門戶之漸太公之世偶生門戶則蒙尊必作職
業之外分用身心則責任不專乞勅諭二臣立寢此舉致鄒
元標馮從吾也

己亥加贈張銓兵部尚書何廷魁高邦佐各大理寺少卿
李長庚黃汝良為南京戶禮部尚書

辛丑左都御史鄒元標言天下治亂係于人心人心邪正係
于學術臣等所講論者惟是錯反側以歸正直告分門別戶
則名教所不載也若以臣等講學宜放則切磋道學一語直
濟窮救苦良方非盡性命妙理亦視斯道太輕矣臣又言

焉前東林諸臣有文有行九原已往惟是在昔朝貴自歧意
見一倡衆和幾付清流懲前覆轍不在臣等詩云相彼烏矣
猶求友聲臣等求友未得平和之韵先來同類之疑願罷臣
以為倡學之戒左副都御史馮從吾言周家以農事開國國
朝以理學開國昨二月間因東事暫停經筵旋復舉行人人
稱快臣子望其君以講學而自已不講是欺也倘皇上一日
問講臣曰朕講學不知諸臣亦講學否將何以置對也
壬寅設科攻羅平不克後攻烏撒衛陷之

乙卯臨洮地震

己未初命是日客氏出宮上諭內閣客氏朝夕侍朕今自出

宮午膳至晚未進暮思至晚痛心不止着時進內奉慰外廷
不得煩激

辛酉演象所災

壬戌臨洮地復震

山東巡撫趙彥攻滕縣賊黨縛徐鴻儒出降安插鄉民二萬
七千餘人獲騾馬千匹神槍八百杆大砲二百六十四尊
十月癸亥朔甲子給事中侯震賜論客氏不宜自入乞收回成
命切責之

乙丑李養正為南京刑部尚書

己巳御史馬鳴起言日見聖諭保母外出憶念痛心夫以一

品之名號加以第宅廕其胤子則酬不為不厚矣若內之謂
獲則中闈有主西宮順承左右朝夕不可謂無人容氏既出
而復入已去而復召戀戀不忍割使絲綸拚經喜怒非錯豈
所以令天下後世者也極言不便有六上欲廷杖以輔臣揭
故奪歲俸

庚午王之案為刑部左侍郎

贈袁應泰兵部尚書蔭本衛正千戶

辛未設科改霑益州尋退復改陷之

甲戌給事中郭興治糾鄒元標講學之非大學士葉向高疏
救元標致仕進太子少保

陳道亨為南京兵部尚書楊述中為兵部方侍郎兼右僉都
御史巡撫偏沅蘄改相為戶部右侍郎兼右僉都御史總督
漕運

戊寅武庫員外郎顧大章以御史楊維垣論其鬻獄辨曰論
經論撫救經救撫之疏以慮數十楊之則九天之上沉之則
九地之下衆論不同舉朝聞且見之臣議誅心則廷弼難未
減論事則化貞乃禍魁頗亦自謂持平即臺臣所指八議之
說不特臣有之全招具在想臺臣或未竟覽也今諸臣並論
辟矣毋論臣非鬻獄之人且業已辟之又何鬻馬以何維垣
又攻之

庚辰脩撰文震孟上勤政講學疏時內宴為偶人之戲宴畢
忠賢曰文狀元疏中以偶人比萬歲殆難省傳旨杖八十閣
臣力救粟罰歲俸有旨放歸

辛卯庶吉士鄭鄞言脩撰文震孟疏候命決旬未蒙報可是
留中之漸也田中不下是壅遏之萌也壅遏不通是竊弄之
機也本朝此弊惟武廟與神祖末年最多在武廟時蓋因權
璫之煬竈在神祖時則係奸輔之籍蕞臣歷稽史冊凡召亂
之端有二而今皆見之曰內降也畱中也內降之屢旨用以
頻斥大臣其機關使人駭而田中之一綫或以陰渚聖慮其
徑實使人疑清明之朝豈宜有此願皇上早圖之也

上諭朝儀大典累朝成規文震孟如何比擬偶人鄭鄞黨護
同鄉俱級降調外

有龍見于北花房之河即太監宋晉之膳房也其形長人許
有爪無角其鱗如碧光耀目晉以盆進之命放黑龍潭

十一月癸巳朔貴州巡撫李標升兵部右侍郎兼右僉都御史
巡按史永安升太僕寺少卿仍舊任

乙未貴州巡撫王三善大會將士曰省城不能待矣外援不
至吾輩死法必敵等耳尚何俟耶命道臣何天麒督兵七十
從清水江進為右部道臣楊世賞督兵萬人從都勻進為左
部三善自將二萬與道臣向日升從中路進當賊鋒

戊戌俘何若海至京磔之

贈徐可求右都御史世本衛正千戶

庚子俘徐鴻儒等至京磔于市

辛丑趙南星為左都御史房址麗為工部右侍郎兼右金都御史總理河道

甲辰光廟選侍劉氏封貞靜賢妃皇弟由模追封簡懷王皇妹追封悼懿公主

己酉御史梁之棟糾太僕寺少卿何棟如募兵盜餉

辛亥光廟選侍李氏封莊妃

東李氏

乙卯史永安奏安酋自二月初旬改省城今五閱月又攻威

清平壩安莊普安陷安順廣順龍里赤水殺思石道副使孫

光恕安順推官徐朝綱廣順知州鄭昂掠同知鄭以成守備

王茂德朝綱寧晉州人庚子貢士贈光祿寺卿廕錦衣千戶

昂龍溪人癸卯貢士贈光祿寺卿廕錦衣千戶

戊午李可灼戍邊

辛酉楊述中為兵部右侍郎總督貴州軍務朱燮元進兵部

右侍郎總督四川兼制湖廣軍務

左副都御史馮從吾罷

十二月壬戌朔貴州巡撫王三善至新添三日次新安四日命劉超為前部三善身為後勁超兵始却超斬二人以申令驍

賊阿成善戰起直前斬之賊遂披靡進復龍里賊復大集力
戰却之五日衆議賊兵重宜少休三善曰賊無備不能持久
急擊之勿失其日三善策馬先進衆從之安邦彥退屯龍洞
官兵奪高寨七里冲乘勝進兵畢節舖孫元謨以火器擊之
楊明楷率烏羅兵並進賊大敗其渠安邦俊穢焉賊棄輜重
器械山積時會城攻守幾十月至是始慶更生三善營南門
外坡上大雪次日移營宅溪諭奢社輝母子縛安邦彥降不
報數日左右兩部兵至又十日楚粵蜀之兵亦至三善怒其
後期且憂之食欲因糧于敵諸軍亦視賊若易矣
己巳永寧伯王天瑞言孝靖皇太后三十幽困鄭貴妃禁制

皇祖經年不容一見反以母妃禮事之致皇太后積怒泪盡
目枯請報其仇

庚午呂兆熊為戶部右侍郎總督漕運熊明遇南京操江右
僉都御史周起元右僉都御史巡撫應天

癸未何熊祥為南京廷部尚書朱光祚右副都御史協理戎
政孫居相右僉都御史巡撫陝西

叙平妖功山東巡撫趙彥加兵部尚書餘進秩有差給事中
陳熙昌上言東省蓮妖雖平地方善後宜策并請存恤脩復
益氏墓廟上從之命官致祭

丙戌南京給事中歐陽調律請脩建文實錄併廟祀命禮部

議之

癸亥天啓三年

正月壬辰朔甲午夜火星犯房宿第一星

己亥王牒成進葉向高中極殿大學士詹尚寶司丞韓燝少師兼太子太師中極殿詹中書舍人何宗彥朱國祚少保兼太子太保武英殿史繼偕太子太保兼文淵閣孫承宗少保兼太子太保文淵閣竝詹監

辛丑安邦彥糾藺賊與雲南安効良合衆數萬并力攻陸廣黔共敗績初黔撫王三善分兵一進陸廣一進鴨池一進黃河渡至是渡陸廣河賊斷浮橋蒙兵先潰衆遂亂溺死數千

人總兵楊明楷被執死之參將王成名戰沒殲數千人賊乘勝攻鴨池總兵張彥芳大敗退守貴州土目何守土見官兵敗據龍里衛都指揮使章有功退守新添苗仲復肆掠自龍里至甕城屍橫四十餘里

壬寅浙江巡按御史傅宗龍奏解任叅黔省軍事

己酉命朱國禎顧秉謙朱延禧魏廣微俱以禮部尚書兼東閣殿大學士

壬子黔兵進龍里賊黨何中蔚據險扼師授兵不進

甲寅河南巡撫馮嘉會報嵩州大隗山于天啓二年十月九日午刻有大鳥高可七尺彩色衆集羣鳥繞之十二日申刻

飛去汝州張彥清身至其地則徽府太和王之莊柘電鳥雀
凍墜亡筭訊以為鳳

夜月犯鍵閉星

丁巳命鄭養性居于遠方

滇兵攻黑耳寨破之盡降其衆遂移兵師宗

庚申御史陳必謹言昔年鄭養性父子依恃宮掖憑藉寵靈
慶賞刑威俱出其手一時如劉廷元等奔走如鶩戴福藩者
名曰正人翼先帝者斥為邪黨迄今奸謀大露臣子身家計
重誰申討賊之義皇上宜自為宗社計剪除逆賊以告于先
帝之靈可也

二月辛酉朔羅平圍解

癸亥吏部內計

甲子吏科都給事中魏應嘉等拾遺糾兵部尚書黃嘉善崔
景榮張鶴鳴工部尚書姚思仁南京兵部右侍郎徐必達前
保定巡撫韓浚太僕少卿李之藻上命進姚思仁太子大保
免之調李之藻南京黃嘉善崔景榮張鶴鳴許致仕韓浚免
丁卯河南道御史胡繼昇等拾遺糾前詹事范醇敬前巡撫
靳于中太常少卿王紹徽巡撫徐兆魁王士昌陶朗先南京
太僕少卿郭一鶚上命王士昌許在籍聽用徐兆魁
致仕陶朗先劾奏

已巳歲以弘為禮部尚書李長庚戶部尚書張輔之南京工部尚書

庚午滇兵敗賊于羅平三戰俱克禽賊渠阿勒閔洪學請以安南長官司土官沙源改宣撫使許之

甲戌二科給事中方有度言工部開納事例其不可行者數事一廩生納銀准貢則壅選法一納通判運判提舉體統安在至于首領佐貳納銀請封尤為悖謬是與隸之流得襲衣冠馳封之典竟同市販矣

丙子給事中王志道謂神祖先帝之誣不可不白遂上言曰臣見會議一疏不覺慨然曰爭此于神廟之朝則為國本爭

此于神器再傳之後何為乎爭此于光廟顧命之際則為預防爭此于大寶久定之日何為乎則曰為兩朝實錄也嗟嗟不念及此則已苟念及此寧不傷神祖之明有害先帝之義哉當萬曆中冊立遲遲而起母愛子抱之疑者人情也至先帝之于皇上則無間然矣無母愛子抱之際也無冊立遲遲之請也不待分封之國而後曉然也垂簾二字又非玉几之命非出宮掖之口不過臣子設為不必然之慮激切及之也喜事者從而實之臣之所大痛也先帝臨崩諄諄以李氏託此亦人情也封妃之諭與神祖立后之命則殊矣輦恩遍天下而從龍之人何不可一霑位號豈可傳合疑端導之以刻

薄臣恐兩朝寶錄必至如宋人燭影之疑也

戊寅諭兵部發內庫佛郎機神砲八十位神銃二百五十位
監甲千五百二十副槍一千斧四百弩三百箭如之子三千
箭三千特命太監劉朝齋赴山海關督師行營勞銀十萬色
蟒百五十四匹孫承宗賜金一百蟒衣一襲

李三才為南京戶部尚書南居益右僉都御史巡撫福建
庚辰雲南巡撫閔洪學以洱海道謝存仁叅將袁善清浪游
擊許成名援黔請加存仁左布政監軍善副總兵成名叅將
從之

辛巳永平府東門城樓火斃三十七人

壬午鍾羽正為工部尚書都察院僉都御史

丁亥川兵破賊于長寧奢崇明父子借水西兵犯遵義總督
朱燮元合長寧納谿兩路之兵併進

戊子御史周宗建糾科臣郭舉黨魏進忠把持察典編緝羣
臣數十餘人彙為一冊又造匿名文書于省則劉弘化周朝
瑞熊德陽于臺則方震孺江秉謙俱欲一網盡之上責宗建
回奏奪俸二月

三月辛卯朔乙未夜月犯畢宿右股第一星

陳大道李宗延為戶部尚書宗延總督倉場
己亥給事中阮大鍼劾史繼偕子數盜

庚子曹子汴為左副都御史

丙午大風霾天鼓鳴白虹貫日

丁未給事中解學龍糾張我續貪淫不法

己酉御史方大任劾科臣郭鞏通魏進忠因論進忠甲第壯

麗葬地踰制

辛亥待詔朱啓明上鳳鳥呈祥賦

甲寅四川總兵李維新出師攻永寧

四月庚申朔夜京師地震

癸亥光祿寺卿何喬遠薦晉江李光縉永春舉人李開芬固
安生員黃文焯海澄儒士丁玉明華亭布衣陳繼儒學行俱

優乞賜官銜風勵四方

乙丑夜大理府洱海衛地震至十二日連震壞城署

丙寅大學士朱國祚致仕進少傅兼太子太傅

壬申川師復遵義時賊首楊維新尢朝柄鄭應顯遵義副將
秦衍祚侯良柱督兵二千攻之誘戰于九接灘殲其渠揀蹇
復敗賊于羅鋼渡遂克之

藺賊安鑿帥妻子所部降初監軍趙邦清遣其黨喻文當招
之鑿心動然以妾石氏子安在嵩在符國禎營未發及官兵
擊奪寅敗之乃密約副總兵侯良柱助兵良柱遣羅安良進
陶公灘自帥親兵七百人同鑿部夜經三寨至賊巢銃砲震

天符國禎先邊鑾率妻子及部兵數十人來歸
癸酉川師復永寧初川撫朱燮元曰我之久不得志于賊者
我以分賊以合也于是列營納絡陽為進取陰會兵長寧首
攻青石崖天逢洞乘霧奪險而入與石砦兵會進攻永寧遇
賊于土地坎奢寅搏戰官兵奮擊敗之追至老君營盡焚賊
營寅身被二槍樊虎亦創死復敗賊于橫山青崗坪遂克永
寧生擒周邦泰等降賊二萬溺死無計崇明父子列營江岸
降者日至遂遁

安邦彥知官兵潰復誘苗仲糾合宋萬化欲犯貴州使其黨
何中蔚據龍里李二督四十八莊兵圍青山巖斫糧道宋萬

化督洪邊兵苗仲為左翼吳楚藻結八姑蕩平八莊苗仲為
右翼自統水西兵約共犯會城王三善遣游擊祁繼祖統盧
吉兆左世選兵下龍里破蓮花堡焚三牌賊寨百五十處何
中蔚敗逃深箐龍里路通遣叅將王建中劉志敏宋迪救青
巖斬三百餘級焚賊寨四十八莊李二中神槍逃歸水西定
番路通謀賊糾八姑蕩洪邊兵欲犯會城三善夜遣王建中
祁繼祖率兵一萬五十進勦八姑蕩焚寨二百餘處斬首五
百級焚其積聚賊糧絕謀遂寢宋萬化遣人詐降三善佯許
之而調劉志敏祁繼祖潛師赴之遂擒萬化及偽軍師劉洪
祖萬化驍勇善戰邦彥依之至是奪氣秦民屏兵互平越復

還守龍里諸叛苗相繼降

辛巳鄭三俊為左僉都御史

乙酉大理寺少卿范濟世上言先帝違和臣隨廷臣後面奉先帝諭封選侍此諸臣所共見聞也凡台臣等三次無不以封選侍為言蓋先帝四十年青宮孝元與孝和相繼賓天朝夕承顏惟選侍一人允稱聖意故將皇上與皇五子託其眷管而臨危諄諄以封貴妃託皇上并諭諸臣也臣昨歲入都值皇上舉公主之時因封其母為慧妃當選侍生皇八公主之時先帝愛公主欲封選侍其心與皇上無異特未能行耳且八公主漸已長成異日皇上不得不加以封位既封其女不

得不封其母與其後日因公主之封以封選侍孰若今日因先帝之命以封選侍可以慰在天之靈可以明承先之孝倘使不封實錄必書之曰上欲封李氏為貴妃已擇吉具儀上崩太子停封不予後世將謂皇上為何如主邪上責其誕妄要名

丙戌南京大內永福永壽二宮積腐木自火

是月火星在斗守百日

五月庚寅朔禮部尚書盛以弘引疾去

辛卯南京御史陳必謙糾褻污太廟之吳應琦不由廷薦不由部推得復故官姚思仁交章糾拾頓陟宮保孫杰傳奏京

堂史繼偕溫罕故卜上不聽

封裕妃張氏

辛丑登萊巡撫袁可立奏朝鮮廢立四月十八日毛文龍據朝鮮議政錢弘等云三月十三日奉太妃命以李侗權國事夫李侗弒逆長此安窮當亟為伸討但封疆多事民力不給即當遣使宣勅播告彼邦明正其罪使彼臣民討逆復辟若果李侗迫于妃命臣民樂以為君亦當令其退避待罪朝廷徐頒赦詔令祇奉國妃如國初之待李成桂者亦皇上不怒之威也初李侗長子肆大生子侗次子瑋以計立封侗為陵陽君

林堯俞為禮部尚書

川兵發永寧進勦奢崇明連克紅崖天台二寨賊數千人迎降遂安撫紅潦四十八寨時總兵盧世卿擒偽御史汪澤遠偽叅謀文道南副將秦翼明擒偽監軍夏奇雲偽給事中孔聞過及偽印十餘鎧伏如山

丙午御史胡士奇劾遼東巡撫閻鳴泰免官聽勘

已酉直賊攻平夷衛右布政謝存仁叅將袁善拒却之

戊午河南撫按讀錄宋儒邵雍子孫視二程子例授五經博

士

羅乾象督兵克蘭州焚九鳳樓蕩其巢安邦彥走客仲壩水

蘭界也朱燮元撫定蠻落賊入深箐不可卒得永蘭已定拓地千餘里或欲郡縣之希封賞朱燮元曰公等皆欲自營不為封疆計深山密箐其民猶鳥獸不可以中國之治治也遂奏以外四里膏腴之壤歸永寧衛隸叙州內四里深險境瘠分給降將使各守其土時水西方覆黔師崇明意頗倦且病寅曉勇自如乘勢復擾蘭燮元輒擊破之安氏怨蜀兵之綴其後結崇明出沒蘭界以拒蜀

雲南亦佐縣營長安應龍合雷益賊首補鮐為亂圍羅平巡撫閔洪學攻羅平克之應龍遁普安復入烏撒已安效良乞降責其縛補鮐應龍自贖效良遂縛應龍以獻

水西蘭賊合兵窺遵永時蘭賊奢崇明戰屢敗與安邦彥合兵一犯遵義一犯永寧官兵合長寧納溪西路敗之于芝麻塘賊遁入青山

六月庚申朔士戍張鳳翼為右僉都御史巡撫遼東

癸亥孫承宗奏勘按臣罪狀自戊午發難以來經歷按臣自張銓殉節外撫順之陷按臣楊一桂也三路開缺之陷按臣陳王庭也廣寧之陷按臣方震孺也皆經論劾然遼事一桂危矣王庭又危矣至震孺危極矣震孺自言曰封疆失守皆臣不能糾之故今遼東何在我死甘心則震孺心未嘗死也統三御史較自揚而下遭時最苦自方而上為罪漸輕

丁卯吏部遵遺詔續議閩幽姜士昌等共一百十人議贈官
優恤

己巳收內監千人

壬申內官因索冬衣罷工部尚書鍾羽正

甲申大學士朱國祚入朝

貴州總兵魯欽進兵擒叛日何中蔚遂營紅崖紅崖素稱大
險官兵未有至者總兵張彥芳擊賊于羊耳亦敗之追至鴨
地河斬首二百七十餘級

國
權

臺灣國家圖書館 NATIONAL CENTRAL LIBRARY, TAIWAN, R.O.C.

